

四庫全書

經部

欽定四庫全書

爾雅翼卷十二

宋 羅願 撰

釋木

柞

櫟

豫章

櫛

槩

木蘭

樺

茶

梣

樛

楊梅

若榴

漆

桂

盧橘

離支

仁頻

柳

竹

箭

柞

柞生南方葉細而密今人為梳用之詩雅道柞為尤多方周之興大姒夢商之庭產棘小子發取周庭之梓植之于闕間梓化為松柏柞槭覺驚以告文王文王曰勿言冬日之陽夏日之陰不召而物自來以為宗周興王之兆故詩曰帝省其山柞槭斯拔松柏斯兕帝作邦作對自大伯王季未必不謂此也又述文王之事曰柞槭

拔矣行道兌矣山木多矣而獨言柞械蓋柞薪者民之所燎且至於聳拔則其餘從可知也齊民要術稱柞斫去尋生料理還復蓋良木之易成者然亦非人力料理有不可復此以見大王之勤也又言柞宜種於山阜之曲十年中椽二十年中屋榑薪樵不在此數然則為利亦博矣管子五粟五沃之土宜柞風土記舜所耕多柞又漢有五柞之宮

櫟

管子五粟之土其柘其櫟條直以長淮南時則訓十二月之木正月其木楊楊蒲柳也楊木春先二月其木杏有竅在中象陰布散在上三月其木李李亦有核李後杏熟故主三月四月其木桃說與杏同桃後李熟故主四月五月其木榆六月其木梓說未聞七月其木楝楝實鳳皇所食今雒城旁有樹楝實秋熟八月其木柘未聞九月其木槐槐懷也可以懷來遠人十月其木檀檀陰木也十一月其木棗取其赤心也十二月其木櫟櫟

可以為車轂木不出火唯櫟為然亦應陰氣也秦風山

有苞櫟草木疏云秦人謂柞櫟為櫟河內人謂木蓼為

櫟此秦詩也宜從其方土之言柞櫟是也

徐州人謂櫟為柞或謂之

為柞其子為卑或言卑斗

莊子匠石見櫟社樹其大蔽牛絜之百圍

上林賦注應劭曰櫟採木也顏師古以為木蓼葉辛初

生可食

本草圖經曰柞櫟也柞也柞也皆櫟櫟之通名

## 豫章

豫章大木生七年乃可知漢官曰凡郡或以所出金城

城下得金酒泉泉味如酒豫章樟木生庭鴈門鴈之所  
育是也楚子期扶豫章以殺人吳都賦曰櫟樟尸子曰  
水積則生吞舟之魚土積則生楸楠豫章

漢上林有豫  
章觀西京賦

豫章珍館薛綜謂  
豫章木為臺館

櫟

櫟似桤葉冬不落上林賦沙棠櫟櫟郭璞曰櫟似采桑

櫟

櫟木類松而勁直葉附枝生若刺針俗作杉非是名山

志曰華子崗上紫杉千仞被在崖側

木蘭

木蘭葉似長生冬夏榮常以冬華其實如小柿甘美一名林蘭一名杜蘭皮似桂而香生零陵山谷及泰山狀如楠樹高數仞任昉述異記云木蘭洲在尋陽江中多木蘭又七里洲中有魯班刻木蘭舟今詩家云木蘭舟出於此離騷云朝搴阰之木蘭王逸謂木蘭去皮不死以喻讒人雖欲困己已受天性終不可變易

又云朝飲木蘭之瑩



露子虛賦云桂椒木蘭洛陽宮殿薄顯陽殿前有之

樺

樺木似山桃上林賦華楓枰櫨華即今之皮貼弓者鉢室韋國用樺皮蓋屋又隋大業中汾州起汾陽宮宮南外平林率是大樺木高百餘尺行從文武皆剝取皮覆菴舍又堪為燭取脂燒辟鬼枰即平仲木也實白如銀櫨黃櫨木也

茶

今人飲茶未知所始釋木云櫟苦茶郭璞云樹小似梔  
子冬生葉可煮作羹飲今呼早采者為茶晚采者為茗  
一名荈蜀人名之若茶然則古盖用之矣埤蒼作搯今

通謂之茶茶聲近

春秋齊君茶漢地理志  
茶陵陸顏皆入茶音

茶經曰茶

者南方嘉木木如瓜蘆葉如梔子花如白薔薇實如楫  
櫟蒂如丁香根如胡桃其名一曰茶二曰櫟三曰護四  
曰茗五曰荈又曰茶之別者有枳殼枸杞枇杷皂莢槐  
柳芽上春摘其芽和茶作之故今南人輸官茶往往雜

以衆葉

山中草木芽葉皆可入椿柿尤奇唐風山有栲  
陸璣疏云山栲吳人以其葉為茗南越志龍川

縣有卑蘆葉似茗南  
人煮為飲一名爪蘆

梲

梲櫝也草木疏云節中腫似扶老即今靈壽是也今人  
以為馬鞭及杖弘農郡北山甚有之孔光傳賜靈壽杖  
孟康曰扶老杖也顏師古曰木似竹有枝節長不過八  
九尺圍三四寸自然有合杖制不須削治也陳藏器云  
生劔南山谷圓長皮紫作杖今人延年益壽王粲靈壽

杖頌云奇幹堅正不待矯輳

榲

榲子木生山中實似梨冬熟味酸薛瑄異物志云丹陽諸郡皆有之吳都賦榲榴禦霜

楊梅

楊梅木若荔支葉細陰青實如穀子而有核其味酢出江南五月中熟江淹頌云懷藥挺實涵黃糝丹鏡日繡  
聲炤霞綺巒張司空云地瘴無不生楊梅者

若榴

按石榴或云本生西域張騫使外國得之一名丹若廣雅謂之若榴木不甚高大枝柯附幹自地便生作叢種極易息折其條盤土中便生花有黃赤二色實亦有甘酸二種甘者可食酢者入藥

段成式云甜者謂之天漿南都賦檮棗若榴

漆

漆木汁可以髹物象形漆如水滴而下木高三二丈葉如椿檮皮白而心黃六七月間以斧斫其皮開以竹管

承之汁滴則為漆古者以為貢職方氏豫州其利林漆  
傳稱舜造漆器諫者數百人考以為奢侈從此興然三  
代盛王相繼以為器皿以示制度蓋備物致用聖人之  
事也後世用之既博故周家漆林之征至二十而五衛  
文公徙居楚丘則樹榛栗椅桐梓漆伐琴瑟焉蓋其遠  
慮如此而後漢壽張侯樊重欲作器物先種梓漆時人  
嗤之然積以歲月皆得其用向之笑者咸求假焉貨殖  
傳陳夏千畝漆與千戶侯等莊子曰桂可食故伐之漆

可用故割之

桂

桂江南木百藥之長屈原遠遊曰嘉南州之奕德兮麗  
桂樹之冬榮周書王會自深桂山海經桂林八樹在番  
隅東招搖臯塗之山多桂本草桂有三種菌桂生交趾  
桂林正圓如竹有二三重者葉似柿花白藥黃四月開  
五月結實離騷雜中椒與菌桂矯菌桂以紉蕙是也今  
有筒桂筒菌字近或傳寫之誤或云即肉桂也牡桂生

南海葉似枇杷皮薄色黃少脂肉氣如木蘭削去皮名桂心所謂官桂也桂生桂陽是半卷多脂者所謂板桂也陳藏器云同是一物爾雅但言檓木桂郭璞云南人呼桂厚皮者為木桂蘇恭謂牡桂即木桂及單名桂者是也廣志曰桂出合浦而生必於高山之巔冬夏常青尸子乃云春華秋英曰桂吳都賦云丹桂灌叢古者薑桂為燕食庶羞和之美者招搖之桂切桂置酒中謂之桂酒列仙有桂父服桂葉以龜腦和之呂氏春秋云桂



枝之下無雜木辛螫故也南越有桂蠹此蟲食桂味辛  
漬以蜜食之漢常以獻陵廟載以赤轂小車春秋運斗  
樞曰椒桂連名士起

盧橘

盧橘伊尹曰果之美者箕山之東青鳧之所有焉考而  
司馬相如賦上林引盧橘夏熟故左思譏之張勅吳錄  
以為建安郡中有橘冬月於樹上覆裹之至明年春夏  
色變青黑味尤絕美以為相如所引盧橘盧黑色也蓋

近是乎

說文作櫨 郭璞曰蜀中有給客橙即盧橘也

### 離支

上林賦離支晉灼注大如雞子皮麤剥去皮肌如雞子  
中黃味甘多酢少離蜀都賦旁挺龍目側生荔支廣志  
曰木高五六丈大如桂綠葉冬夏榮茂青華朱實後漢  
南海獻龍眼荔支十里一置五里一候奔馳險阻道路  
為患孝和時唐羌為臨武長縣接南海上書言狀詔太  
官勿受獻龍眼木高二丈許似荔支而葉微小凌冬不

凋春末夏初生細白花七月實成

仁頻

上林賦仁頻顏師古注即賓棖也陶隱居云出交州形小而味甘廣州以南者形大而味澀小者名蒟子向陽曰檳榔向陰曰大腹圖經云生南海大如枕棖高五七丈正直無枝皮似青桐節如桂竹葉生木顛大如楯其實作房從葉中出傍有刺若棘針一房數百實如雞子皆有殼肉滿殼中尖長而有紫文者名檳圓而矮者名

榔吳都賦檳榔無柯柳葉無陰

榔

榔木似檳榔無枝條高十餘尋葉在其末如束蒲實大如瓠繫在樹頭實外有皮如胡桃核裏有膚白如雪厚半寸如猪膏味美如胡桃膚裏有汁升餘清如水美如蜜飲之可以愈渴核作飲器

竹

說文冬生艸也象形下垂者箬箬也竹譜別類有六十

一山海經岳山尋竹生焉衛丘山南帝俊竹林在焉大  
可為舟

闕

箭

箭篠也東南之美者有會稽之竹箭焉禹貢揚州篠簜  
既敷職方氏揚州其利竹箭箭一名篠是竹之小者可  
為箭幹箭萌謂之箬

一作箬

月令曰短至則取竹箭說文

簞可為幹篠可為矢

篠箭屬  
小竹也

異物志箭竹細小勁實可

為箭通竿無節竹譜云節間三尺堅勁中為矢筥簞亦

堪為矢箭大者為筆

書垂之竹矢淮南云淇衛箇  
落寇恂伐淇園之竹為矢

考工

記紛胡之筈

謂箭

矢人相筈欲生而搏

音釋

柞

音昨又  
音作

櫟

來的  
反

杼

神呂反  
櫟也

栩

吁委  
反

絜

奚結反圓  
而量之

豫章

挾

於決  
切

櫛

音  
諸

杙

音  
零

采桑

采本作採應助  
曰櫟採木也

櫛

所銜  
反

塞

音  
塞

阬

音皮山名  
在楚南

樺

胡化  
切

枰

皮兵  
反

櫪

來  
都

反

茶

薜

尺充  
切

設

舒列  
切

据

櫝

丘貴  
反

樑

市瞻  
切

楊梅

炤

音  
灼

漆

槩

音  
休

桂

番隅

上菩官切舊本  
作責誤山海經

注八樹而成林言其大也今番隅縣

菌

渠隕反

侵

寢音

盧橘

注紹

徒亥切相欺

離支

上力智反

仁頻

納

如各切

楯

食尹切干盾

椰

音耶

竹

箬

蒲侯切竹箬別名也

箬

音弱

箭

筴

從改切又音臺

筱

先鳥切與篠同

籊籊

上奇隕切下音路

妨胡之竒

考工記注妨胡胡子之國在楚旁妨音梵書或為邪竒矢幹也讀為

橐

生而搏

周禮矢人注相猶擇也生謂無瑕蟲也搏讀如搏黍之搏謂圓也

爾雅翼卷十二

欽定四庫全書

爾雅翼卷十三

宋 羅願 撰

釋鳥

鵬

鳳

鸞

孔雀

鶴

雞

雉

鷩

烏

鵲

鵬



萬物之在字中者其小大皆可識惟夏革所稱鯢化為鵬莊子引以冠其書頗為難信按說文鳳神鳥也其字又為𩇑云古文鳳象形鳳飛羣鳥從以萬數故以為朋黨字又鵬字云亦古文鳳然則以隸書之正是鵬爾夫羽蟲三百鳳為之長舜文王之時嘗來儀以鳴而仲尼嘆其不至宜無偉於是者矣宋玉對楚襄王亦稱鳥有鳳而魚有鯢鳳皇上擊九千里絕雲霓負青天翔翔乎杳冥之上夫藩籬之鷄豈能與之料天地之高哉鯢魚

朝發崑崙之墟暴鬐於碣石暮宿於孟諸夫尺澤之鯢  
豈能與之量江海之大哉宋玉莊周皆楚人所言鵬鳳  
俱以鯢配又其言絕雲負天詞旨亦相類明鵬即鳳也  
但齊諧主於怪故以九千為九萬耳

### 鳳

鳳神鳥也韓詩外傳曰黃帝即位宇內和平惟思鳳象  
召天老而問之天老對曰夫鳳象鴻前而麇後蛇頸而  
魚尾鸛頸而鴛思龍文而龜背燕頤而雞喙又說者曰

五色具揚出東方君子之國翱翔四海之外過崑崙飲  
底柱濯羽弱水暮宿風穴見則天下大安寧又有六像  
九苞之說蓋鳳生南方去中國甚遠而又不妄飛鳴飲  
啄其至蓋罕故孔子稱之而世好事者憚為之傳道務  
奇怪其章紬繹其聲列於神聖故千世而不合焉蓋鴻  
前者軒也麀後者豐也蛇頸者宛也魚尾者岐也鸛鵲  
者椎也鴛思者張也龍文者綴也龜背者隆也燕頤者  
方也雞喙者鉤也六像頭像天者圓也目像日者明也

背像月者偃也翼像風者舒也足像地者方也尾像緯  
者五色具也九苞口包命者不妄鳴也心合度者進退  
精也耳聽達者居高明也舌詘伸者能變聲也彩色光  
者文采呈也冠矩朱者南方行也距銳鉤者武可稱也  
音激揚者聲遠聞也腹文戶者不妄納也行鳴曰歸嬉  
止鳴曰提扶夜鳴曰善哉晨鳴曰賀世飛鳴曰即都知  
我唯黃持竹實來譯者即其音而附之聲也黃帝使伶  
綸制十二簫聽鳳鳴則雄鳴為六雌鳴亦六比黃鐘之

宮而皆可以生之是為律本少皞氏以其鳴合十二律  
故設鳳鳥氏之官以為歷正及帝舜之時作簫以象之  
故簫韶九成鳳皇來儀儀者蓋馴擾相狎久而不去非  
特為羽儀而已禽經曰翌以鳴鳴鳳鳳以儀儀翌儀匹  
也如衛詩實維我儀周語丹朱馮身以儀之是也覆巢  
摘卵則鳳皇不至故孟舒國人首鳥身其先世為雩氏  
訓百禽夏后之世始食卵孟舒去之鳳皇隨焉梧桐棟  
實乃所在有之竹實則竹之將死者先花而為實如小

朱顧不至爾南恩州北甘山壁立千仞有瀑水飛下猿  
狖不能至鳳皇巢其上彼人呼為鳳皇山所食亦蟲魚  
遇大風雨或飄墮其雛小者猶如鶴而足差短南人截  
取其背謂之鳳皇盃古稱鳳生丹穴丹穴南方也顧出  
則為異爾蔡衡對光武凡鳳有五多赤色者乃鳳多黃  
色者鵠雛多青色者鸞多紫色者鸞鸞多白色者鵠禽  
經亦曰青鳳謂之鵠赤鳳謂之鵠黃鳳謂之鸞白鳳謂  
之鸞紫鳳謂之鸞說文亦曰五方神鳥東方曰發明南

方曰焦明西方曰鷦鷯北方曰幽昌中央曰鳳皇則此五者皆鳳類使不足道不至為怪祥矣而樂協圖徵說五鳳皆五色為瑞者一為孽者四鷽鷽旱疫之感發明喪之感焦明水之感幽昌旱之感且其稱四鳳身背嬰膺負皆合五常豈應為孽蓋漢儒既夸大其辭推鳳為希世之瑞夸而無驗極而必反則又推之以為孽大抵日新其說競為可喜以動人之耳目故既鳳矣而又孽之雖孽之矣則又不廢身文義仁智禮信之說反覆無

所據皆不足取也至若漢書云凡五色大鳥似鳳者多

羽蟲之孽是則異鳥之不知名者也遽可鳳之耶

周書王會

西中以鳳鳥方陽以皇鳥淮南子曰二皇鳳至於庭三代鳳至於澤德彌澆所至彌遠德彌精所至彌近

### 鸞

鸞赤色五采雞形鳴中五音古者職方氏之職揚荆二州其畜宜鳥獸先儒以為孔鸞鵷鵠犀象之屬然則蓋常有之物非若麟鳳為畜鳥獸不獮狝也孔雀鵷鵠後世稔識而鸞在緯書已為瑞物故瑞應圖稱鸞赤神之



精鳳皇之佐說文以為頌聲作則至引周成王時氏羌獻之以為驗而山海經亦言生於女牀見則天下太平也鸞入夜則歌好自歌自舞或曰鸞甚好其類見則鳴舞西域之國嘗有得之者金樊珍羞三年不一鳴乃懸鏡照之覩影悲鳴中宵一奮而絕蓋以為其類而感也昔有虞氏之輅謂之鸞車亦曰鸞輅明堂月令春則乘之蔡邕稱以金為鸞鳥懸鈴其中施於衡為遲速之節崔豹古今注亦以為五輅衡上金雀者朱鳥也口銜鈴

鈴謂之鑾禮云衡前朱雀或謂朱雀者鸞鳥以前有鸞  
鳥故謂之鸞鸞口有鈴故謂之鑾事一而義異然則鳥  
之鸞主形鈴之鑾主聲鈴之為鑾亦以象鸞鳥之聲  
名耳然杜預又以為錫鸞和鈴者錫在馬額鸞在鑣和  
在衡鈴在旂動皆有鳴聲則與前說異按鸞和皆鈴也  
韓詩外傳大戴禮及鄭氏解周官大馭禮記玉藻經解  
之篇皆云鸞在衡和在軾唯毛氏蓼蕭傳稱在軾曰和  
在鑣曰鸞鄭氏解烈祖復兼取之以詩輶車鸞鑣及四

牡八鸞考之鑣謂馬口兩旁四馬故八鸞則言在鑣者亦不為無據然此乃謂輶車及仲山甫人臣所乘耳若乃天子之路既特以此為名不當止如常車置馬口傍故秦風箋亦以為輶車者置鸞於鑣異於乘車是則天子之乘車鸞不在鑣而在衡明也然說者又以衡之所容唯兩服馬安能置八鸞夫八鸞既不主謂天子之車則施一鸞於衡上有何不可豈必欲置服馬間而後為在衡耶蓋鸞路之說如此至常鸞則所在施之如庭燎

之鸞則謂旂之鈴蓋旌旗有鈴為旂夜未盡則聞其聲  
夜鄉晨則見其旂而所謂鸞刀者又特以有鐶為鸞亦  
不特鈴也凡此皆以鸞善為聲故取之禽經有鸞鳴嚶  
嚶鳳鳴喈喈又以為君子之車也然鸞赤色五彩古又  
以應朱雀至後漢光武時華陰有大鳥高五尺雞頭燕  
頤蛇頸魚尾五色備舉而多青詔問百僚咸以為鳳唯  
太史令蔡衡對以為凡象鳳者五多赤色者鳳多青色  
者鸞今此鳥多青乃鸞非鳳也與說文瑞應圖之說異

淮南子曰羽嘉生飛龍飛  
龍生鳳皇鳳皇生鸞鳥

孔雀

孔雀生南海蓋鸞鳳之亞尾凡五年而後成長六七尺  
展開如車輪金翠燦然始春而生至三四月復凋與花  
萼俱榮衰羽屬之最華耀者故元命包言火離為孔雀  
然尤自珍愛遇芳時好景聞弦歌必舒張翅尾眄睐而  
舞蓋物之能自愛者如鸞自歌鳳自舞也羣飛數十為  
偶南人收其雛養之使極馴擾寘山間以物絆足旁施

羅網伺野孔雀至則倒網掩之無遺者其雌尾短畧無  
文彩孔雀不必匹偶但音影相接便有孕如白鵝相視  
雄鳴上風雌鳴下風之類或曰與蛇為偶蛇盤結其上  
今野雉亦有與蛇交者理或有之或云聞雷聲而孕周  
成王時方人常獻列於王會及漢文帝時趙佗亦以為  
獻九歌稱孔雀蓋芳翠旌以為神明之飾魏文帝亦嘗詔  
以于闐所上尾萬枚為金根車蓋南越人以珥門戶

鶴

鶴一起千里古謂之仙禽以其於物為壽

淮南曰鶴壽千歲以極其游

狀大如鵞脚青黑高三尺餘喙長四寸常夜半鳴其聲揚聞八九里雌者聲差下繁露曰鶴知夜半鶴水鳥也夜半水位感其生氣則喜而鳴所以壽者無死氣於中也又性絕警八月白露降則警而鳴性好陰故謂其羽為陰羽周書曰陰羽鳧旌解者曰鶴鳧羽為旌也相鶴經曰鶴陽鳥也而游於陰因金氣依火精以自養金數九火數七故七年小變十六年大變禽經亦曰鶴愛

陰而惡陽鴈愛陽而惡陰故易有鳴鶴在陰之文然詩  
稱鶴鳴于九臯聲聞于天與易之鳴鶴在陰其子和之  
若不同者蓋鳴于九臯鶴之俊者以喻士之及時而未  
仕者至其老則聲不能揚和者獨其子而已禽經又曰  
鶴老則聲下而不能高近而不能遠此之謂也書又言  
鶴體無青黃二色者木土之氣內養故不表於外然本  
草云鶴有玄有黃有白有蒼蒼者今人謂之赤頰玄則  
鶴之老者百六十年則有純白純黑之異若黃鶴則古



人常言之古書又多言鵠鵠即是鶴音之轉後人以鵠  
名頗著謂鶴之外別有所謂鵠故埤雅既有鶴又有鵠  
蓋古之言鵠不日浴而白白即鶴也鵠名咭咭咭鶴  
也以龜龍鴻鵠為壽壽亦鶴也故漢昭時黃鵠下建章  
宮太液池而歌則名黃鶴神異經鶴國有海鵠衛懿公  
好鶴齊王使獻鵠于楚亦列國之君皆以為玩其餘諸  
書文如蕙帳空兮夜鶴怨楚辭黃鵠一舉及田饒說魯  
哀公言黃鵠或為鶴或為鵠者甚多以此知鶴之外無

別有所謂鵠也。鵠好延頸以望，故稱鵠以怨望。鵠以貪  
顧怨者必望，故以望為怨。不意君之望臣深是也。貪者  
必顧，故以顧為貪。數招權顧金錢是也。古以鵠為祥，故  
立之華表。說文：相亭郵表也。一說漢法亭部四角建大  
木，貫以方表，名曰相表。又鵠之膝特隆，故吳矛馘大者  
名鵠膝。又作詩者以中字平為鵠膝。

雞

雞司時之畜，鳴必三度，故禮有初鳴而衣服者，又能自

守不為風雨止故詩人以比不改度之君子古有雞人掌共雞牲大祭祀夜漏未盡則嘑旦以詔百官以其畜雞則知時故也春秋說題辭雞為積陽南方之象火陽精物炎上故陽出雞鳴以類感也

春秋運斗樞曰玉衡星散為雞

拈地

圖則言度朔山

玄中記曰桃都山

有大桃木盤屈三千里上有

金雞日照則鳴於是晨雞悉鳴矣古稱雞之德五頭戴冠者文也足傅距者武也敵在前敢鬪者勇也見食相告者仁也鳴不失時者信也雞有五德猶日淪而食之

何也以其所從來者近也然雞老遇歲晏則有怯寒至  
曉方鳴者又雞或乙丙夜輒鳴者俗謂之盜啼云行且  
有赦蓋海中星占云天雞星動為有赦故後魏北齊赦  
日皆設金雞揭竿至今猶然亦曰盜啼為有火古稱  
牝雞之晨惟家之索以喻商王之用婦言至漢世乃有  
雌雞化為雄冠距鳴將與雄不殊將者謂能率領其羣  
也說者曰雞有冠距文武之貌不為威儀貌氣毀故有  
雞馮風俗通云呼雞曰朱朱相傳雞本朱氏翁化為之

按漢祝雞翁居尸鄉山下養雞百餘年皆有名字呼名則種別而至則朱乃祝之轉也又崔豹古今注雞名燭夜爾雅雞大者蜀其音豈又本於此耶郭璞既解蜀為今之蜀雞廣志又稱大者蜀小者荆而莊子別稱越雞不能伏鵠卵魯雞固能則荆與越為小蜀與魯為大荆越相近若蜀者非已蜀蓋魯成公會于蜀者亦魯地云爾

說文魯郊以丹雞祝曰以斯鷄音亦羽去魯侯之咎

又禽經曰鷹雞多秋生雉

雞多冬死蓋魯雞則今鬪雞自周宣王時已有紀消子

為王養鬪雞之事其後魯季邱雞鬪季氏介其雞蓋以  
膠沙播其羽或曰搗芥汁播之邱氏則為之金距距者  
雞附足骨鬪時所用刺也後世則又私取狸膏塗其頭  
輒鬪無敵此非有厭勝特是狸能捕雞異雞聞狸之氣  
則畏而走不若養之至於木雞者之全也今南方蓄蠱  
之家雞輒飛去

莊子謂惠子曰羊溝之雞三歲為株相  
者視之則非良雞也然而數以勝人者

以狸膏  
塗其頭

雉

雉有十四種春秋運斗樞曰璣星散為雉澤雉十步一啄百步一飲因地之墳衍以為疆界分而護之不相侵越一界之內要以一雉為主餘者雖衆莫敢鳴其雉者不特一雉雉耿介之禽應義氣十一月雷在地中雉先知而鳴說文雉雄雉鳴也雷始動雉鳴而雉其頸蓋雉鵠以足相勾雉以頸相勾故雉鵠从勾雉雉亦从勾高宗祭成湯有飛雉升鼎耳而雉非特鳴而已然聞聲似雷者亦從而應齊景公作為路寢之臺族鑄大鐘撞之

庭下郊雉皆响許氏曰大鐘聲似雷震雉應而响鳴也  
又天水冀南山有石鼓長丈三尺廣厚畧等漢成帝時  
有聲如雷聞二百四十里野雞皆鳴蓋以為雷也夏小  
正曰正月雉震响雉以媒取媒者少養雉子至長狎人  
能招引野雉因名曰媒以翳隱身而射之媒江淮間謂  
之游言可與游按說文囙譯也率鳥者繫生鳥以來之  
名曰囙讀若謠囙或从繇為囙又音由然則游乃囙也  
至若周官翼氏攻猛鳥各以其物為媒而掎之乃謂用



其所食之物世以鳩鵲置罟中以媒鷹隼而掎其脚其  
為媒之名雖同而實則異禮六摯士執雉取其守介而  
死不失節也

漢五行志雉者聽察先  
聞雷聲故月令以紀氣

### 鷩

鷩似山雞而小冠背毛黃腹下赤項綠色鮮明山海經  
曰小華之山其鳥多赤鷩可以禦火一謂之蠹蜺又謂  
之鷩鷩說文鷩赤雉也鷩鷩鷩也昔者趙武靈王貝帶  
鷩翻而朝趙國化之漢初閭孺籍孺以佞幸故孝惠時

侍中皆冠駸駸冠貝帶傅脂粉化閼籍之屬也駸駸冠者以此烏羽飾冠古有驚冕既同一物豈亦類此耶周禮王之吉服享先公饗射則驚冕而侯伯之服自驚冕而下如公之服說者但解衣之九章以為驚者畫以雉謂自次三華蟲以降然既以冕為名安知冠無此飾不然漢之駸駸何所本哉此烏雅好高故曰螻蛄山棲又曰仰攀駸駸然此但云似山雞而南越志稱駸駸即山雞利距善鬪人以家雞鬪之則可禽光色鮮明五采

眩耀劉淵林解吳都賦亦以山雞如雞而黑色木棲晨  
鳴今所謂山雞者驚蜺也合浦有之然則山雞自黑絕  
不與此類郭景純特以比其大小耳至於凡言華采者  
皆此驚也博物志曰山雞有美毛自愛其色終日映水  
目眩則溺死翟雉長毛雨雪惜其尾栖高木杪不敢下  
食往往餓死蓋雉輕死之物故或眩以死或餓以死而  
其它又鬪以死亦其性然也番禺諸郡往往取山雉為  
筆五色可愛

烏

烏孝鳥也始生母哺之六十日至子稍長則母處而子反哺其日如母哺子之數故烏一名哺公而束皙補亡詩云嗷嗷林烏受哺于子也孔子曰烏昉呼也取其助氣故以為烏呼蓋烏之呼如人之歎聲故古者記人之歎輒書烏呼以記之又謂之於戲於即古烏字穆天子傳曰於鵲與處是也戲即呼也古者言日中有烏堯時十日並出羿射落九烏蓋日以比人主傳曰天無二日

土無二王少皞之哀九黎亂德堯出而平之故以喻射  
九鳥焉日中之鳥有三足故說者以為鳥三點者法三  
足然說文鳥鳥之足似匕皆从匕無三足之義且鳥焉  
皆鳥名从鳥之類豈必皆三足耶此與數馬足者類矣  
鳥好下麥田中拾麥食之既飽則啄土藏之已而忘其  
處往往疆畔之上麥種十為叢者鳥所種也其智足以  
通禍福故所在則人忌之而西南人事鳥為鬼以為能  
知未然也太公曰愛人者愛其屋工鳥憎人者憎其儲

須臾儲峙以待所須人之所宜愛也而憎人者併憎之  
鳥集為不祥人所憎也而愛人者併愛之以言憎愛因  
情而遷有如此者淮南曰烏力勝日而服於騅禮能有  
脩短也烏本黑之稱故瑞應圖以白烏為太陽之精至  
孝之應孝經援神契曰德至鳥獸則白烏下先君尚書  
守新定日有烏生四子於郡之南山二黑二白日集于  
黃堂相間飛止若奕州人請奏瑞不許是亦異矣

鵲

鵲者鳥之屬故周禮總謂之鳥鳥又以其色駁名之為駁鳥淮南曰若魚之躍若鵲之駁此自然者不可損益古鵲之字作鳥蓋象形篆文則作雛能知氣候疾徐陰陽向背風水高下歲必一營巢其孳生比它物最早故自小寒五日而始巢巢常背太歲而向天一淮南曰太陰所建蟄蟲首穴而處鵲巢嚮而為戶又曰夫蟄蟲鵲巢皆嚮天乙者至和在焉爾又知歲之多風則去高木而巢扶枝或曰水大則巢高水小則巢卑巢皆取木之

枝梢不取墜枝巢中亦塗飾橫梁其中相傳見其上梁者貴云於是傳枝而生子春二月而有乳鵲矣已則捨去而他鳥居之故召南稱鳩居鵲巢周書時訓曰鵲不始巢國不寧則以巢比國蓋舊說也始則一鳩居之而已尋則呼其偶併居焉所謂方之者也至其後則生子盈之家道成矣今鳥之類亦逐鵲而居其巢鵲能知人之吉凶故自啄其足則行人至或曰其聲接接令接來者也南人以其聲為吉以鳥為凶北人反之崑崙之下



以玉璞抵鵲蓋惡之也鵲雖能知來及其避風而巢卑也大人過之則探其轂嬰兒過之則挑其卵故號知來而不知往涉秋七日首無故皆髡相傳以為是日河鼓與織女會於漢東役烏鵲為梁以渡故毛皆脫去按秋鳥獸毛毳之時又山海經羣鳥有解羽之所此豈解羽類耶其尾尤長故漢世高祖所為劉氏冠民間謂之鵲尾冠又熏鑪之有柄者謂之鵲尾鑪鵲能制蜩鵲之所在蜩必反腹而受啄焉或在木上鳴蜩伏不能行淮南

曰鵲矢中蛸此類之不推者也

音釋

鵬

步登反

夏革

下音棘夏革字子棘為湯問篇注

鸚

於諫反亦作鸚

鵲

其謁反

中山名

鬻

渠脂切

暴

步卜切

鰈

音倪說文刺魚也郭璞曰似鮎

四足一曰雄鯨雌鯢

鳳

麇

通作麟

鴛思

說苑作鴛鴦思

鰓

音桑鰓也又養鰓

椎

直追切椎鈍不曲撓也

緻

音穉密也

緯

宋均曰五元也

戶

宋均曰所由出入也

知我唯黃

宋均曰黃中通理也按初學記扶竹實來

望

胡光切

馮身

上音憑周語注房后之行有似丹朱丹朱憑依其身而匹偶焉生穆王也

覆

音與擲字同

雪氏

猿狖

上于緯切或作猿下  
余救切鼠屬善旋

鸞鸞

上五角切  
下七角切

鸛鸛

上息  
逐切

下所  
莊切

鸞

鳩音

鵲音

精畜

音

獠音

又休必切

貌

狻

許月切  
獸走貌

女牀

山名  
錫音

鐃音

甫驕切

輶音

孔雀

眇眇

上莫見反  
下力代反

鵠

倪歷切說文引春秋傳鵠退  
飛博物志雄雌相視則孕

於

與旌同

珥

音餌飾也

鶴

咭咭

胡告切

骹

音敲脰骨  
近足細處

雞

嘑

火吳反又作呼

呂

反古吊  
消景所

反徐所  
幸反

邱

音后魯孫氏邑  
名在東平無鹽縣

雉

唯

音邁

翳

於計  
反訛音

翼氏

上音翅  
鳥翻

倚之

居綺反周禮注猛鳥鷹隼之屬置其  
所食之物於翳中鳥來下則倚其脚

翳

古泣切周  
張獸也

驚

音驚  
雉屬

蜺

音

駸

思俊切

驪

牛奇  
翻

徙到切

翟

音秋

烏

昞

休俱切

乚

卑履切

雛

禮

上朱惟切  
許注烏在日中

而見故曰勝日服猶畏雛禮爾雅謂呼笠秦人謂之祀祝間雛時晨鳩入舍者鴻烏皆畏之故曰能有脩短也

鵲

鳥

古鵲字

首

穴

首去聲

扶

枝

淮南注扶旁也

鷖

音鬼

髡

音坤去髮

挑

徒了切  
弄也

爾雅翼卷十三

欽定四庫全書

爾雅翼卷十四

宋 羅願 撰

釋鳥

鵠鳩

佳鳩

睢鳩

鷓鴣

鷓鴣

鸛鵒

反舌

倉庚

斲木

子雋

鷦鷯

鵲

鸚鵡

鵙鳩

鵙鳩一名鵙鵙

詩注 鵙鵙 說文 鵙鵙

又名布穀江東呼獲穀又呼

撥穀又呼郭公以此鳥鳴時布種其穀似鵙長尾牝牡  
飛鳴翼相摩拂月令云鳴鳩拂其羽是也取其骨佩之  
宜夫婦又善養其子有均一之德故少皞氏以為司空  
詩序稱德如鵙鳩乃可以配焉鳩之字从九蓋與鷹鵙  
更相化禪列子曰鵙之為鵙鵙之為布穀布穀久復為  
鵙也又曰一變而為七七變而為九九變者究也乃復

變而為一一者形變之始若鷦七者再變若鷦九則變之道究窮將復為一故若鳩此鳩所以从九也布穀復為鷦則九復變為一之道也說文云七陽之正也从一微陽从中表出也九陽之變也象其屈曲究盡之形蓋物窮則反本故復為布穀也夏小正曰正月鷹則為鳩五月鳩為鷹月令仲春鷹化為鳩其目猶如鷹故曰陽和布氣鷹化為鳩至於有識猶憎其目又許叔重曰鷹化為鳩喙正直不鷙搏也一說曰鳩蓋一巢而九鳥者



詩曰鳴鳩在桑其子七兮又名鷦鷯布穀好鳴之鳥故謂之鳴鳩月令所謂鳴鳩拂羽者今布穀為然小宛之詩曰宛彼鳴鳩翰飛戾天許叔重曰鳴鳩奮迅其羽直掣上飛入雲中者是也鳩亦子之多者今鳩四時有子鵲每月有子

佳鳩

佳鳩孝鳥故少皞氏以為司徒一名祝鳩又名鷦鷯似班鳩而臆無繡采又頭有贅物之拙者不能為巢纔架

數枝往往破卵無巢不能居天將雨則逐其雌霽則呼而反之今人辨其聲以為無屋住云鵲既孝鳥故養老之杖倣之漢仲秋之月縣道皆按戶比民年始七十者授之以玉杖舖之糜粥八九十禮有加賜玉杖長尺端以鳩鳥為飾鳩者不噎之鳥也欲老人不噎古之養老祝鯁在前祝噎在後以為養老之備此所以取鳩而又名鳩為祝鳩也周禮羅氏獻鳩以養國老王子年記少皞時事稱帝子與皇娥泛於海上以桂枝為表結薰

茅為旌刻玉為鳩置於表端則鳩杖之起亦遠矣此云刻玉玉杖亦其類也琴操曰舜耕歷山思慕父母見鳩與母俱飛鳴相哺食感恩作歌今之青鵠

睢鳩

睢鳩鵠類今江東呼之為鷖好在江渚山邊食魚故詩云關關睢鳩在河之洲也鷖鳥之擊者故曰鷖鳥累百不如一鷖淮南子曰狐不二雄神龍不匹猛獸不羣鷖鳥不雙姜后稱睢鳩之鳥猶未嘗見其乘居而匹遊故

先儒稱摯而有別少皞氏以為司馬主法制鄭康成則  
云摯之言至也謂王雎之鳥雌雄情意至然而有別揚  
雄羽獵賦云玄鸞孔雀翡翠垂紫王雎關關鴻鴈嚶嚶  
羣娛乎其中嘒嘒昆鳴張衡思玄賦云天地烟煴百卉  
含葩鳴鶴交頸鵙鳩相和處子懷春精魂回移其歸田  
賦云仲春令月時和氣清原隰鬱茂百草滋榮王雎鼓  
翼倉庚哀鳴交頸頡頏關關嚶嚶以相和而交頸言之  
則蓋嘗乘居而匹遊矣烏在論其有別耶且后妃之意

方將樂得淑女與其君子相與如睢之相為顧豈暇言其別淮南子曰關雎興於鳥而君子美之為其雌雄之不乖也鹿鳴興於獸君子大之取其見食而相呼也則古之說詩者與此異矣然則何以言關雎樂而不淫曰后妃之意樂得賢女以配君子則不淫之義自顯矣陸璣疏雎雄大小如鵠深目目上骨露幽州人謂之鷺揚子雲許叔重皆曰白鷺似鷺尾上白

鷺鷥

鷓鴣者隼也見隼章

鷓鴣

鷓鴣春來冬去備四時之事故少皞以為司事之官似

山鵲而小短尾青黑色多聲

今江東亦呼為鵲鷓

鸛鵒

鸛鵒似鵒而有憤飛輒成群多聲字書謂之唼唼鳥一作雛雖或曰身首皆黑惟兩翼皆有白點飛則見如字書之八云性好淫其行欲則以足相勾往往墮者相連

而下故从勾从欲字說云尾而足勾焉是也山海經衡  
山鳥多鸛鵒而性又不踰濟故春秋有鸛鵒來巢書以  
為異劉向以為鸛鵒夷狄穴藏之禽來至中國不穴而  
巢陰居陽佐鸛鵒白羽旱之祥也穴居而好水黑色為  
主急之應也說者以為鸛鵒今中國皆有然但在濟西  
不踰濟耳春秋以為魯所常無故異而書之而劉向以  
為夷狄禽未喻其意又此鳥本亦巢居不皆穴處書巢  
者著其居木孚乳不即去也此說甚長荆楚之俗五月

鸛鵒子毛羽新成取養之以教其語

五月五日剪舌

俗謂之花

鵒今有一種灰色好穿屋瓦下以居號瓦鵒

### 反舌

反舌春始鳴至五月止能變其舌反易其聲以效百鳥之鳴故名反舌又名百舌淮南子曰人有多言者猶百舌之聲人有少言者猶不脂之戶謂多言而不得其要徒為譊譊耳不脂之戶則以難於啟閉故也反舌所以五月無聲者陽氣極於上陰氣起於下百舌無陰故無



聲其有聲則為異周書時訓曰芒種之日螳螂生又五日鵙始鳴又五日反舌無聲反舌有聲佞人在側春秋保乾曰江充之害其萌反舌鳥入殿此其驗也以月言之則如此以歲言之則少陰少陽司天子午寅申之歲羽蟲則靜說者以為諸黑色有羽翼者胡越燕百舌鳥之類反舌今人多畜養者而風土記以祝鳩為反舌則非其類又蔡邕謂反舌龜也今謂之蝦蟇其舌本前著口側而未向內故謂之反舌引易通卦驗博勞鳴蝦蟇無

聲為證然蝦蟇五月中得水適當聒人耳何反無聲或  
蝦蟇舌性自然不必為反舌也故鄭氏不取

### 倉庚

倉庚黃鳥而黑章齊人謂之搏黍秦人謂之黃栗流幽  
冀謂之黃鳥一名黃鸝留或謂之黃栗留一名黃鸝而  
爾雅有皇黃鳥倉庚商庚鶯黃楚雀之名二月而鳴夏  
小正云二月有鳴倉庚鵲者續之候倉庚者蠶之候故  
詩稱倉庚喈喈采芡祁祁又稱伐木丁丁鳥鳴嚶嚶出

自幽谷遷于喬木嚶其鳴矣求其友聲按禽經稱鶯鳴  
嚶嚶則詩所言鳥殆謂此故後人皆以鶯名之此鳥之  
性好雙飛故鸛字从麗又曰鸛必匹飛鵲必單棲而東  
山之末章以比之子于歸者也出谷遷喬之事未見其  
驗今荊州每至冬月於田畝中得土堅圓如卵者輒取  
以賣破之則鶯在其中無復毛羽蓋以土自裹伏而土  
堅勁候春始生羽破土而出然則出谷遷喬之事恐當

似此矣

說文離黃倉庚也  
鳴則鶯生

# 斲木

鴛斲木口如錐長數寸常斲枯木取其蠹故以名云此  
鳥有大有小有褐有斑褐者是雌斑者是雄又有青黑  
者大如鵲頭上有紅毛如鶴頂生山中土人呼為山啄  
木然以青者為主故黃帝內經太陰司天羽蟲不成謂  
丑未之歲也說者以為羽蟲謂青綠色者則鸚鵡鴛鳥  
翠碧鳥之類諸青綠色之有羽者也歲乘金運其復甚  
焉此乃六氣五類有相勝制者也其飛好極深遠故相

傳以為雷公採藥吏所化此與帝女為精衛蜀王為子  
雋竊肉者為逃河相類斷木易識之鳥而許叔重解淮  
南子仲春之月倉庚鳴一說以為斷木非也此鳥喙端  
有鈎嘗見其啄啄不止頃之摯翼不能去若負痛者使  
人視之啄在木中力脫之遂死蓋平時得蟲則以鈎取  
之此時無蟲鈎誤着木不能去也

子雋

子雋出蜀中今所在有之其大如鳩以春分先鳴至夏

尤甚日夜號深林中口為流血至章陸子熟乃止農家  
候之太史公曰昔自在古厯建正作於孟春於時冰泮  
發蟄百草奮興秭鳩先淅淅即鳴也其鳴聲若歸去故  
爾雅為舊說文為子雋太史公書為秭鳩高唐賦為秭  
歸禽經為子規徐廣為子雋字雖異而名同也亦曰望  
帝亦曰杜宇亦曰杜鵑亦曰周燕亦曰買鵲名異而實  
同也離騷曰恐鵲鳩之先鳴兮使百草為之不芳鵲鳩  
音弟桂一作鵲鳩或以為此物或以為百勞或又以為

巧婦按此稱鷦鷯先鳴即前所謂秭鳩先澤者也此物以芳時最先鳴然一發其聲次日視之則梨菊之穎皆截然萎折數寸莫知其故然則古人蓋忌其口鳴之早也若伯勞以仲夏時鳴豈復有芳草即蓋鷽即秭之訛鷽即鷽字或轉而為南蠻鷽舌之鷽則宜其以為伯勞也而巧婦一號鷽鷽故又轉而益遠皆不可用也今人亦惡先聞以為當有離別其產子於百鳥之巢鳥或從而哺之亦下人家竊蠶或又以為見者宜於蠶云其名

望帝者蓋蜀王望帝姪其相妻慙亡去化為此鳥蜀人  
聞其鳴皆起曰望帝自漢許叔重已有此說望帝一名  
杜宇故蜀都賦云鳥生杜宇之魄謂此也唐杜甫詩曰  
我見獨再拜重是古帝魄雖感時之言亦蜀之遺俗也  
蜀中尤多故雲安有縣名姊歸袁崧以為屈原姊女類  
聞原放逐亦來歸喻令自全鄉人冀其見從因以名縣  
縣北有原故宅宅之東北有女嬃廟云按原楚之近族  
所謂昭屈景者其放逐又自在汨羅之間其姊何用歸



蜀且其字从禾非姊妹之姊正自蜀鳥所多以為縣名耳又杜詩所謂雲安有杜鵑者閩中記曰子規自呼為

謝豹

陶岳零陵記曰思歸樂狀如鵲而慘色三月則鳴其音云不如歸去

鵲

鵲似鸛鵒而大一名伯趙又名伯勞易通卦驗云博勞性好單棲其飛翬其聲嚶嚶夏至應陰而鳴冬至而止故帝少皞以為司至之官而夏小正五月鵲則鳴月令仲夏有鵲始鳴豳詩則云七月鳴鵲蓋豳地寒晚物從其

氣其鳴為將寒之候故八月載績常候此也時訓云鵲  
不始鳴號令壅偏高誘以為夏至後應陰而殺蛇乃磔  
之棘上而始鳴今俗云鵲在林間鳴蛇於其下蟠結不  
動飛去則伸其所踏枝可鞭兒令速語以其當萬物不  
鳴時而能鳴故以類求之又能療繼病繼病者母有娠  
而乳子使子得疾如疳淮南鴻烈曰男子植蘭美而不  
芳繼子得食肥而不澤情不相與往來也蓋情在腹中  
之子故於所乳之子為情不往來所以病而不澤也世

傳伯奇化為鵲豈亦母所不愛為此耶然少皞已有伯  
趙氏豈待伯奇而後有姑廣異聞爾

鵲

鵲者今之獨豹也以鵲為豹聲之訛耳鵲亦水鳥似鴈  
而無後指上林賦曰鴻鵠鵲駕鵲屬玉交精旋目煩  
驚庸渠箴疵鵲盧羣浮乎其上是也鵲羽之詩言君子  
下從征役不得養其父母以喻鵲之集于苞栩苞棘苞  
桑蓋水鳥而木棲既失其常是又無後指尤非所以自

託於木者可謂不得其所矣段成式云鵠遇鷺鳥能激糞禦之糞着毛悉脫今鵠之毛能落衆羽然其鷺烈足以服羽族此類之可推者鵠乃水鳥不以鷺稱而鷺鳥為之落羽此類之不可推者

### 鸚鵡

鸚鵡能言之鳥其狀似鴉青羽赤喙足隴右及南中皆有之然南鸚鵡小於隴右飛則千百為羣俗忌以手觸其背犯者多病顛而卒名鸚鵡瘴禮曰鸚鵡能言不離

飛鳥淮南子曰鸚鵡能言而不可使長得其所言而不得其所以言也然有三種大抵五色者尤慧白者次之青者為下其足指前後各二郭璞贊云四指中分行則以胷特為羽族異故字從武武者足跡說者以為似小兒脚指也又名鸚鵡吳志云鳥名鸚鵡未聞鸚父字說曰嬰兒生不能言母教之言已而能言以言此鳥之能言類是也亦其舌似小兒故能委曲其音聲以象人爾又鳥目下瞼眨上唯此鳥兩瞼俱動如人目蓋羽蟲之

能人言者必有人形之一端今秦中有吉了鳥毛羽黑  
大抵如鸛鵒然有兩耳如人耳而紅此與鸚鵡之人舌  
人目何異然吉了生秦中其音聲差重濁如秦人語不  
若鸚鵡之輕清云

音釋

鴟鵂

尸上音

鵂

音

鵂

音

鵂

音

鵂

之然切

鵂

與斜同

鵂

魯甘切

鸚

音

佳

音

尾者摠名

鸚

音

浮

忙皮切

鸚

上七切

鸚

音

鸚

音

鸚

音

鸚

音

鸚

居

上去聲

娛

音

噍

噍

噍

噍

噍

與

噍

同

噍

同

噍

易作

噍

網

噍

也

頽

上戶結反下戶郎反飛而上曰頽飛而下曰頽

鷺

音就蟄居月切

鷓

音立爾雅音及鷓

居勿反

注鵲鵲

上音骨下竹交切又音昭

鸛鵒

下音浴

鵲鵲

八音

反舌

詭詭

莊子乃交切

鵲

公覓切

鼃

或作蛙

倉庚

伏

扶富切鳥抱子

斲木

鴛

列音

子雋

爾雅音規

鳩

居隨反

買鵒

下音詭

鸛

音題鵒決

鸛

寧女類

私俞反

鵲

圭覓反

鸛

胡達切

鵲

何葛切

其飛

攬音宗

爾雅疏攬疎疎也上下而已

其聲嗅嗅

詩疏引陳思王惡鳥論作鸛鵲故以

其音

磔

陟格切

鵲

音保

駕

音加

煩驚

音木

庸渠

郭璞曰似鳧灰色而

雞脚一名章渠

歲疵

上音針下音資說文作歲疵張揖曰似魚虎而蒼黑色

鵲

盧

張揖曰鵲鵲頭


鳥盧鵲也鵲  
音杳又音柳

鸚鵡

顛音戰四支  
寒動也

使長知丈切許  
慎注長主

也知效人言不能  
自為長主之言也  
臉已再  
反  
眨側洽切  
目動也





爾雅翼卷十四

# 欽定四庫全書

經部

爾雅翼卷

十五至二十

詳校官國子監祭酒臣覺羅吉善

洗馬臣王坦修覆勘

總校官庶吉士臣倉聖脉

校對官中書臣范 鏊

謄錄監生臣孫鶴年

欽定四庫全書

爾雅翼卷十五

宋 羅願 撰

釋鳥

燕

雀

鷦

鷯

鷯

鷽

鷽

鷽

鷽

比翼

燕

燕有兩種越燕小而多聲頷下紫巢於門楣上謂之紫燕亦謂之漢燕胡燕比越燕而大臆前白質黑章其聲亦大巢懸於大屋兩椽間其長有容匹素者謂之蛇燕古皆謂之玄鳥齊魯謂之乙取其鳴自呼其字乙印首下曲與甲乙之字少異而音不同其尾歧分故物或取象燕尾尤為光澤故漢書曰燕燕尾涎涎美好之貌也以春分來秋分去開生之候其來主為孚乳蕃滋故古者以其至之日祠高禰以請子契因是而生故詩曰天

命玄鳥降而生商或曰契母簡翟吞乙卯而生契故契  
號玄王賜姓子氏成湯紹其祖而字天乙後代以子加  
乙為孔氏乙至得子則名嘉而字子孔又人及鳥生子  
謂之乳亦从乙从孚荆楚之俗燕始來睇夏小正二月燕乃睇有  
入室者以雙箸擲之令人有子皆燕乙為生子之驗然  
稱簡翟吞卵似不其然予按帝少皞以玄鳥為司分之  
官或者簡翟之家有娥氏之先在少皞時嘗為之尊其  
先故曰降契以玄鳥氏之出故宅殷土芒芒廣大如春

秋傳所謂爽鳩氏始有齊地云耳何必吞乙卯而後為

命玄鳥也哉

秦之先女脩織玄鳥墮卵女脩吞之生大業

燕之居甚安故古

以為燕居燕享之燕然安不可懷故又有燕安酖毒之

戒至其去也多藏深山大空木中無毛羽或蟄藏坻岸

中

郝鑒避難嶧山百姓飢饉掘蟄燕食之

亦云入水為蜃蛤淮南云燕之

為蛤是也今人言蜃是蛟類吐氣為樓臺伺燕栖集則

食之又言龍噬燒燕水枯竭者投之立漲今人亦投以

求雨人食燕者則不可以適河然則燕與蛟龍蜃蛤之

氣相往來蓋水類

玄中記曰千歲之燕戶北向

燕之來去皆避社又

戊己日不取土以戊己字書其巢上則去之豈社主於

土戊己又土位土尅水燕之所為避歟

說文燕作巢避戊己春秋運斗

樞曰瑤光星散為燕

### 雀

雀小佳依人以居其小者黃口貪食易捕老者益黠難取號為賓雀淮南子季秋候鴈來賓雀入大水為蛤許叔重釋之曰賓雀者老雀也栖宿人家堂宇之間如賓

客也崔豹古今注亦云雀一名嘉賓其所入之水蓋淮水故趙簡子云雀入于淮為蛤雉入于淮為蜃蓋二物皆化於淮水中故江以鴻止而鴻从之淮以雀化而雀从焉此雀所以為佳也或云雀入海為蛤性極多欲至瞋黑輒盲人至其時用目力不止者亦得雀盲之疾性不能為巢穿屋居之力能勝燕或銜艾于燕巢中燕棄去則居之召南之詩曰誰謂雀無角何以穿我屋誰謂鼠無牙何以穿我墉雀鼠善竊而好淫以喻彊暴之男



屋與墉者禮之界也雀之穿屋以味不以角鼠之穿墉以爪不以牙彊暴之人既至于訟必且從而自罔曰我既有家矣  
不  
應復為此侵陵之事故貞女從而詰之曰吾誰問雀角之  
有無但問吾屋之何以穿而已誰問鼠牙之有無但問吾墉  
之何以穴而已誰問汝家之有無但問何以速我訟於獄而  
已蓋貞信之教興則人辭簡而理盡此召伯之所化也雀之  
字通於爵古作麋飲器以為名象爵之形中有鬯酒又

持之也所以飲器象爵者取其鳴節節足足也量亦取象  
焉其法用銅方尺而圍其外旁有廐焉其上為斛其下為  
斗左耳為升右耳為合合其狀似爵以縻爵祿蓋雀者啄  
粟之鳥量起於黃鍾之龠以子穀秬黍中者千有二百實  
其龠故以比云其冠服則爵弁者冕之次廣八寸長尺二  
寸如爵形前小後大繪其上似爵頭色其色赤而微黑若  
雀頭然或謂之緌蓋纁而再染以黑者王之喪車漆車雀  
飾亦是此色

春秋運斗樞曰瑤光星散為雀異苑魏肇  
初生有雀飛入其手占者以為封爵之祥

# 鵽

鵽鳥之淳者其居易容其欲易給竄伏淺草之間隨地而安故言上世之俗曰鵽居而齧食也尾特秃若衣之短結傳稱子夏貧衣若懸鵽又今有郭公鳥者名襪襪鳥襪襪亦衣短秃之名意相類也列子言蛙化為鵽淮南云蝦蟇為鵽聞昔至道年中秋間京師鬻鵽者積於市枚直二錢是秋雨水絕無蛙聲人有得於水次者半為鵽半為蛙又云鼠亦化鵽莊子曰吾未嘗好田而鵽

生於突司馬彪云突東北隅一曰東南隅鶉火之地故  
生鶉也詩言鶉之賁賁以刺衛宣姜公子頑賁賁者健  
鬪之貌鶉性雖淳然特好鬪今人以平底錦囊養之懷  
袖間樂觀其鬪大率食粟者不過再鬪食糒者尤耿介  
一鬪而已物之小而健無若此者然鵲雖處高彊彊然  
不失其類鶉雖處下賁賁然而無慕於高高下各得其  
所以言人之不如也賁如虎之賁駒之賁皆彊猛之象  
天文東方朱鳥之次有鶉名說者以為東方蒼龍七宿

有角有亢有尾南方朱鳥七宿有喙有喙有翼而無尾  
取象於鶡予以左傳考之有鶡之賁賁天策燁燁火中  
成軍號公其奔言鶡火之星其象亦賁賁然與詩言鶡  
鵲者相類又司馬彪以東南隅鶡火地生鶡則天文之  
鶡當與地之鶡相應然七宿雖無尾而其次有鶡首鶡  
火鶡尾又鶡號朱鳥與蒼龍白虎玄武神靈偉異之物  
並列則似不應取於此按禽經青鳳謂之鶡赤鳳謂之  
鶡蓋鳳昂首長尾而身又赤故可以應鶡首鶡火鶡尾

之象而與彼龍虎龜蛇相配鶡冠子亦曰鳳鶡火之禽陽之精也當待識者斷之

鶡

鶡似燕紺色生鬱林蓋今之翠鳥也巢於木杪生子夷人稍徙下其巢子大未飛便取之謂之翡翠郭璞謂賈害以采

說文翡翠赤羽雀翠青羽雀也

異物志曰翠鳥形如燕赤而雄

曰翡翠而雌曰翠翡翠大於翠其羽可以飾幃帳故稱翡翠帷翠帳或云鳥各別異非雄雌別名也此鶡一名翠鶡

則是其翠者然又名紺燕以說文考之紺深青而揚赤者也則翡蓋亦翠之揚赤者通可稱鷖耶周書王會云蒼梧翡翠漢南越獻翠鳥生翠古者鷖冠飾鷖羽子項鄭子臧好之鄭伯聞而惡之使盜殺之說者曰鷖水鳥天將雨則鳴故知天道者冠焉其冠前圓一謂之圓冠禮記曰知天者冠述知地者履絢莊子亦云冠圓冠者知天時履句屨者知地形緩佩玦者事至而斷此魯國之儒服也哀公嘗以此號於國中曰無此道而為此服

者其罪死而魯之敢服者惟一丈夫耳問以國事千轉萬變而不窮然則固非子臧之所宜服也漢天地五郊明堂育命舞樂人服之亦天道所係此建華冠也術氏冠亦謂之鷩冠象鷩鳥形畫鷩羽為飾紺色司天文者冠之蓋術氏即鷩音之轉爾然建華冠後漢輿服志以為鷩冠明所施用用鷩飾前圓術氏冠前亦圓吳制差池邈迤四重趙武靈王好服之漢不施用獨有其圖爾又乃畫鷩其義似迂遠音即近鷩未敢臆斷也鷩韋昭



以為翠鳥張晏以為赤足黃文以其毛飾冠顏師古以  
謂鷁大鳥即戰國策所謂啄蚌者翠鳥自有鷁名而此  
飾冠者非翠鳥也字學家稱翠鷁似燕紺色生鬱林邇  
知天將雨故知天文者冠邇然古者以毛飾羽如翠被  
翠旒之類乃獨取於似燕者此術氏冠云紺色則亦翠  
廣志紺色  
赤翠色紺當待識者詳之

# 鷁

鷁山鵲也似鵲而有文彩長尾背脚赤又謂之韃字說

曰善鬪謂之韃非不健也然尾長故飛不能遠譬諸強學務未勝本則其出入亦不能遠今人皆養之以鬪其在籠中亦能揚其米以誘雀雀至捕而食之又能效鷹鷂之聲其字從學未必不以此說文韃鷂山鵲也知未來事鳥也孫愐唐韻云韃鵲鷂別名又解鵲字云鵲鵲鳥名知未來事噪則行人至鵲或作雝雝鄭氏注大射儀云鵲鳥名射之難中以中為雋是以於侯取名引淮南子鵲鵲知來所謂正者亦鳥名齊魯之間名題肩為

正正鵠皆鳥之捷黠者按淮南稱乾鵠知來而不知往  
猩猩知往而不知來說者以為巢避風為知來卵為兒  
童所捕則不知往也猩猩能知捕者之名則為知往竟  
遭網罟則為不知來又淮南云夫鵠先識歲之多風也  
去高枝而巢扶枝大人過之則探其殼嬰兒過之則挑  
其卵知避遠難而忘近患則是直謂鵠耳然此山鵠亦  
云知來又雜鵠名同於乾鵠則似是山鵠爾顧古人皆  
以鵠解之未知其審釋器云象謂之鵠角謂之鵠犀謂

之削玉謂之雕取四鳥之名不知其故今鳩似山鵲謂之鷺鳩

子虛賦注鵲水鳥也其鳴聲鷺鷥云

鳩

鳩似鳬而脰高有毛冠江東人養之以厭火災又謂之交精說文謂之鵲鳩精目精也鵲猶鵲也言其目精交也禽經曰旋目其名鷺方目其名鳩交目其名鵲觀其眸子命名之義備矣上林賦曰交精旋目說者曰今荆郢間有水鳥大於鷺而短尾其色紅白深目目旁毛皆

長而旋此其旋目乎鵙巢於喬木雖未能飛皆銜其母翼以飛周禮職方氏揚州荊州其畜宜鳥獸先儒謂鳥獸孔鸞鵙鵲犀象之屬蓋鵙雖微禽毛羽可尚是以與孔鸞犀象同列為南方所宜珍禽奇獸矣蜀縻竺家當有火厄收鵙鵲數千頭養池渠中以厭火或曰羽毛之類非禦烈火之物蓋其焚自陽燄旱燥而生以方諸厭之鵙鵲之音與方諸相亂爾然古今厭火盡用水物如漢宮殿脊作蚩魚形又號屋仰為井皆畫水藻蓮芰之

屬鷓鴣亦水禽或自能厭火未可知爾李衛公言鵝能  
警盜鷓鴣厭火孔雀辟惡唐明皇遣宦官詣江南取鷓  
鴣鷓鴣置苑中倪若水諫縱散之

鶴

鶴似鴻而大長頸赤喙白身黑尾翅別名黑尻阜裙負  
釜背竈皆以尾翅黑為名也木上作巢大如車輪卵如  
三升杯泥其巢一傍為池含水滿之畜魚其中稍稍以  
哺其子故楊震有鶴銜三鱸魚墮講堂以為升進之象

也巢中水有礪石養之故不竭得之者可為藥用性好  
旋飛古者有鸛鵲之陣今江淮謂羣鵲旋飛為鵲井惟  
鵲亦然其旋飛必以風雨鵲是好水之鳥知天將雨則  
長鳴而喜詩曰鵲鳴于垤婦歎于室天之將雨則蟻封  
土為垤而鵲又鳴其上則零雨其蒙者至矣此思婦之  
所為歎也然見人探其子則徑捨去能致數十里旱以  
其羣飛激雲雲散雨歇故也禽經曰鵲生三子一為鵲  
鳩生三子一為鴉言萬物之相變也易之中孚九二鳴

鶴在陰上九翰音登于天說者以為鶴者別於鶴也震為鶴陽鳥也巽為鶴陰鳥也鶴感於陽故知夜半鶴感於陰故知風雨鶴生鶴者巽極成震極陰生陽之謂也今人通呼鶴為鶴鶴說文則以鳴于埵者為翟翟小爵也與毛詩說異

鳩

鳩天狗郭氏云小鳥也青似翠食魚江東呼為水狗今此鳥穴土為巢嘗冬月啟其穴橫入一尺許生雛其中



其味皆紅項下白亦來人家陂池中竊魚食之今人謂之翠碧鳥又謂之魚狗或曰小者為魚狗大者名翠奴亦有斑白者俱能水上取魚其尾亦可為飾其肉治骨鯁性所宜爾

### 鵙

鵙水鳥也

說文曰鵙

字或作鵙作鵙作鵙善高飛能風能水

古者天子舟首象鵙所以厭水神淮南云龍舟鵙首如是古矣上林賦擢鵙牛首漢人舡首猶畫青雀

穆天子傳乘鳧

舟龍舟注猶今  
吳之青雀舫

蓋其遺制其交則雄鳴上風雌鳴下風

而孕故莊子以鵩為風化風化者自上風以靡物有類  
於君師之化黃帝之謁廣成必從下風以此也然鵩既  
能風矣而春秋書風有六鵩退飛何哉蓋廣川之鳥獸  
常預避其災是鳥將進遇風而退未必為風所排也特  
其相接而過宋都襄公以為祥故其辭布於諸侯事適  
然耳如海鳥爰居止於魯東門之外二日賴展禽一言  
魯人不復以為異則不復告也說者迺曰五石六鵩之

辭不設則王道不亢矣夫視之則隕察之則石徐而察之則五此其設辭之先後與孟子所謂繫馬千駟者何異視之則六察之則鵠徐而察之則退飛此與晉史三豕渡河者何異遣辭適有宜爾又安取王道哉說者泥於此則白馬非白馬黃馬驪牛三之論紛然起矣且夫六者吾不知其為退飛之數耶或者如五鳩九扈為鵠之名耶禽經曰鳥六曰鵠然則六鵠之說古未有考者

比翼

南方有比翼鳥焉不比不飛其名謂之鸛鸛狀似鳬青  
赤色一目一足一翼相得乃飛張司空以為一青一赤  
在參嵎山則是二鳥異色者昔成周為王會則巴人獻  
之與孔鸞鳳鳥之屬偕陳於庭後王德薄不能及遠則  
此貢遂絕世徒傳誦以為四方之異氣云爾及齊桓公  
稱霸而欲封禪管仲度桓公不可窮以辭乃設之以事  
曰古之封禪鄒上泰北里禾所以為盛江淮間一茅三  
脊所以為藉也東海致比目之魚西海致比翼之鳥然

後物有不召而自至者十有五焉桓公為是而止蓋鄣  
上即鎬京周天子之都黍固不可得北里衛地時方為  
狄所據江淮之茅則荆楚不貢已久至興召陵之師責  
以王祭而僅共命然情猶不服故師復進次于陘而欲  
貢之於封禪益知其不可也比目之魚不知何國所  
貢要亦淮夷吳越之類而當時蠻夷大國有不服齊者  
至於比翼所出巴人之國則在楚之西迫近楚先是魯  
桓公九年巴子使韓服告于楚請與鄧為好楚子使道

朔將巴客以聘於鄧蓋楚以強嘗役屬之齊安能出其  
貢物耶若夫物之不召而自至者則固不待言此桓公  
所以遂止耳此鳥世所希見然不為異至晉王嘉記事  
乃稱成王時燃丘國獻之狀如鵲而多力歷百有餘國  
十有餘年而至洛邑又云銜南海丹泥巢崑崙玄木者  
可知其誕也字書一名鸛山海經崇吾山有鳥狀如鳬  
一翼一目相得乃飛名曰蠻

爾雅曰南方管仲乃瑞應  
云西海其說異也

圖王者德及高遠則至

音釋

燕

玄鳥之乙

鳥轄切說文作乙

甲乙之乙

於筆切說文作乙

其尾岐

分

說文作焚

涎涎

徒見切

高祺

下音梅月令注燕以施生時來集人堂宇而孚乳嫁娶之象也

媒氏之官以為候高辛氏之世玄鳥遺卵城簡吞之而生契後王以為媒官嘉祥而立其祠焉變媒言祺神之也

契

息列反

睇

音悌夏小正二月來降熒乃睇睇者眇也眇者視可為室者也

雀

小

佳

音錐黠

胡八切

味

音晝鳥口

庀

音桃不

緌

音鄒青赤色

鶉居穀食

穀口豆切莊子音義鶉居謂無常處也穀食言仰物而足也

突

音者

賁賁

音奔

嘖

音素鳥吮容食

處

徒門切

煇

他門切又

鵠

以聿切

賈

音古

冠

反

述

莊子鵠冠注尹必反徐音述本又作

邁音同韻書述通作術

約

或作

履句

莊子音義句音矩

李云方

也遷迤

上力紙切下移爾切廣韻遷迤連接

邁

與鵠字同

翠於

於與

鶯

說文胡角

切

韃

侯幹切

鴟

古安切

誰

古沃切

正

音

鵠

口豆切鳥

鵠

鵠

雕

爾雅注鵠音斛鵠音裁剖音錯郭云謂治其樸俱未成器有此四名也

鴟

古賢切

鵠

鵠

音

鵠

音

鵠

音

鵠

音

鵠

音

鵠

音

鵠

則燃得火方諸陰遂大蛤也熟摩拭令熟月盛時以向月下則水生以銅盤受之下水數滴淮南子注

厭

之

於涉

鵠

音

鵠

音

鵠

音

鵠

音

鵠

音

鵠

肥鼠食而死

鵠

說文力入切

鵠

午的切

鵠

與鵠字同

鵠

直孝切與棹同



牛首

池名

扈

音戶九扈農桑候鳥扈民不姪者也扈止也謂止民使無過時

比翼

比上

聲並也

鄔

通作鵠合老切漢郊祀志許各反

藉

才夜反

盛

音成

陘

音刑鸛鸛

爾雅翼卷十五

欽定四庫全書

爾雅翼卷十六

宋羅願撰

釋鳥四

鷹

隼

鵟

鵠

鵠

鵠

鵠

服翼

鷩母

戴鷩

鷹

鷹鳥之摯者雌大雄小一名鵠鵠少皞氏以名司寇之  
官蓋鷹正月則化為鵠秋則鵠化為鷹故鷹通有鵠名  
在五鵠之數禽經曰鳥之小而摯者皆曰隼大而摯者  
皆曰鵠也季夏之月秋節將至鷹自習擊曰學習孟秋  
之月鷹將搏鷙殺鳥於大澤之中四面陳之世謂之祭  
鳥其毛色屢變無常故寅生酉就摠號為黃二周作鵠  
千日成蒼魏彥深賦漢郅都比蒼鷹以其尤鷙烈也韓子亦  
云魯連黃鵠子田巴兀老蒼廣志則云鷹一歲為黃二

歲為撫

疑

三歲為青意亦同詩曰維師尚父時維鷹揚

亦鷹好揚隼好翔故以此尚父之武鷁亦其類古語曰  
在南為鷁在北為鷹鷹生於窟者好眠巢於木者常立  
雙散長者起遲六翮短者飛急

### 隼

隼鷁鳥也古者鳥隼以為旗蓋取其鷁然古今言隼迺  
未有的指其物者禽經曰鳥之小而鷁者皆曰隼大而  
鷁者皆曰鳩獨知其小爾說文解離云祝鳩也思允切

又去鳥从十作隹則雛乃與隹通凡詩之翩翩者雛皆隹也又解淮南子烏力勝日而服於雛禮引爾雅謂之鵽鵽秦人謂之祀祝間蠶時晨鳴人舍者鴻鳥皆畏之據許所說則是今鷓鴣爾郭氏解鵽鵽亦云小黑鳥鳴自呼江東名為烏鷓今鳥鷓小於烏而能逐烏俗言烏之舅也說者不得其真則妄以隹泥解顏師古曰隹鷓鳥即今之鷓也李善稱鷓擊之鳥通呼曰隹一曰鷓也韋昭則以隹為今之鷓云皆非也又古今解詩雛者類

引釋鳥佳其鳩鴉故遂以為祝鳩按鳩鴉是佳自音雖  
鑿之雖此既从鳥自與隼通則事不相預明矣獨鳩鴉  
鳩鴉者是矣詩云鴝彼飛隼載飛載止嗟我兄弟邦人  
諸友莫肯念亂誰無父母又云翩翩者鷖載飛載下集  
于苞栩王事靡盬不遑將父翩翩者鷖載飛載止集于  
苞杞王事靡盬不遑將母禽經曰鷖上無尋鷖上無常  
言二鳥之起不過尋丈不遠而復而王事靡盬之臣則  
征役不得暫息也亦鷖是農候之鳥故因不能藝稷黍

而及之荆楚歲時記稱四月有鳥如烏鵲先鷄而鳴聲  
云加格加格民候此鳥鳴則入田以為催人駕犁格也  
亦引爾雅烏鵲即鵲鵲并摯虞槐賦春宿教農之鵲然  
鵲與鳬異又以為春鳬曰鵲鵲主五土宜種木者也則  
誤矣淮南亦云孟夏之月以熟穀禾鵲鵲長鳴為帝候  
歲蓋亦謂此許叔重以為鵲鵲布穀未知孰是古之論  
書者言鍾繇善八分有隼尾又書訣云隼有擊石波八  
分書有隼尾波最為難作隼集陳廷劉向以為隼近黑



样

鵟

鵟者鵟之類土黃色健飛擊沙漠中空中盤旋無細不  
覩黃帝戰于阪泉之野鵟鵟鷹鳶以為旗幟穆天子傳  
青鵟執犬羊食豕鹿今鵟亦能食羴鹿之屬可謂鷙有  
力矣又能翱翔水上翮魚令出沸波攫而食之淮南子  
曰鳥有沸波者河伯為之不潮畏其誠也其毛亦能食  
諸鳥羽如羣錯草中有鵟毛必衆毛自落古者鵟之字

作彫至籀文乃作鵬耳昔人以草木雕落必从雕者豈亦自然相感如雕羽歟羽可以為箭漢時匈奴有斗入漢地直張掖郡者生奇材木箭竿就羽漢欲得之以饒邊就即大雕也山海經曰景山多鷲黑色多力說文則云鷲黑色多子師曠曰南方有鳥名曰羌鷲黃頭赤目五色皆備禽經則云雕以周之鷲以就之言其所從搏擊之異則其說不同然則鷲乃鵬之大者耳鷲多黑色則所謂阜鵬是也詩曰肇允彼桃蟲拚飛維鳥桃蟲小

鳥也鳥鵙也小毖之君於懲患之後始知天下之機蓋

有自小而變為大者以求助也

說文鵙鵙也籀文作鵙  
从鳥鵙鵙也詩曰匪鵙

匪為李廣傳射鵙注一  
名驚駟可以為箭羽

### 鵙

鵙似黑雉出上黨郭氏則云似雉而大青色有角漢書

音義云似雉而大黃黑色鷩鳥之暴疏者也每所攫撮

應爪摧衄性尤相黨其同類有被侵者輒往赴救之其

鬪大抵一死乃止曹植賦所謂雙戰隻僵者也顏師古

云俗謂鵠雞昔黃帝之戰以鵠鵠鷹鳶為旗幟至周鳥隼為旗而其後有鵠冠環纓無韃以青系為緄如雙鵠尾植左右虎賁武騎皆冠之東京賦武夫戴鵠上林賦云蒙鵠蘇蘇析羽也鵠以蘇為奇蒙覆而取之蓋以其勇於鬪兼同類相死可以厲衆故趙武靈王以表武士秦漢沿之俗謂之大冠也鵠冠子居深山以鵠為冠漢世常用之而黃霸乃以為鳳皇故為張敞所譏霸傳注師古云

鵠音芬字本作鵠此通用耳鵠雀大而色青出羌中

# 梟

梟者不孝之鳥爾雅梟鵂土梟劉子曰炎州有鳥其名曰梟偃伏其子百日而長羽翼既成食母而飛蓋稍長從母索食母無以應於是而死古者天子常以春解祠祠黃帝用一梟破獍梟不孝之鳥破獍食父之獸黃帝欲絕其類使百吏祠皆用之至漢武帝時亦令祠官領之如其方而漢使東郡送梟五月五日作梟羹以賜百官淮南子鼓造辟兵壽盡五月之望許叔重曰鼓造蓋

謂巢一曰蝦蟆今世人五月望作巢羹亦作蝦蟆羹是食巢之驗也博之采有巢者博兼行惡道故以巢為采亦巢得之為雋故猛將謂之巢將也土巢穴土以居故曰土巢而荆楚歲時記稱句鴝為土巢說者乃因謂為鸛鵒來巢者又云鸛鵒穴居誤矣巢今人養以致鳥後漢五行志稱衆鳥之性見非常班駁好聚觀之至於小爵希見巢者暴見尤聚蓋當時有五色大鳥衆鳥隨之時以為鳳皇故破其惑段成式云今人往往以壁間蛛

為獍見其形圓而匾伏子必為子所食其實非也破獍如貓而虎眼

鵬

鵬似鴉不祥鳥夜為惡聲者巴蜀異物志曰小如雉體有文采行不出域若有壇服者故名鵬賈誼之遷長沙嘗集其舍自以壽不得長作賦自廣然終以不免按周官有磬族氏掌覆天鳥之巢以方書十日十有二辰十有二月十有二歲二十有八星之號縣其巢上則去之

先儒以謂天鳥惡鳴之鳥若鴉鵂日謂從甲至癸辰謂從子至亥月謂從娵至荼歲謂從攝提格至赤奮若星謂從角至軫蓋梟鳴烏噪譁譁出出類皆能驚動人為國怪祥故設官驅之不使惑聽書十日以下則未曉其理豈歲月日星辰五紀者天物所畏避耶今以戊己書燕巢側則燕為去彼於號特十之二耳燕非天鳥然於日辰猶有忌若盡書之彼天鳥必有所避矣在國且猶覆巢毆去以為天則入舍又可知矣此賈生之所為賦



荊州記曰楚人謂之服

### 鳩

鳩毒鳥也似鷹大如鷄毛紫黑色長頸赤喙雄名運日雌名陰諧天晏靜無雲則運日先鳴天將陰雨則陰諧鳴之故淮南子云暈日知晏陰諧知雨也食蝮蛇及橡實知巨石大木間有蛇虺即為禹步以禁之或獨或羣進退俯仰有度逡巡石樹為之崩倒蛇虺無脫者昔有人入山見其步法歸向其妻學之婦正織而機翩或曰

取蛇虺時呼同力數十聲石起蛇出故江東人呼同力  
鳥或曰禁蛇之聲如以手荅腰鼓大率蛇入口即爛夫  
溺著石石爛如泥一說屎石則變為雌黃及生金古人  
以其羽翮歷酒中則能殺人

國語驪姬  
寘鴆于酒

謂之酖酒管仲

曰燕安酖毒不可懷也凡鴆飲水處百蟲吸之皆死或  
得犀牛蘸角其中則水無毒此鳥與犀相伏今南方山  
川有鴆處必有犀蓋天資之以育物離騷曰望瑤臺之  
偃蹇兮見有娥之佚女吾令鴆為媒兮鴆告余以不好

雄鳩之鳴逝兮余猶惡其佻巧心猶豫而狐疑兮欲自  
適而不可鳳皇既受詔兮恐高辛之先我夫媒所仰以  
合夫婦也鳩既毒物又其雌雄自有好陰好晏之異其  
同居異志如此則宜其為人媒而告人以不好也雄鳩  
物之至拙者不能為巢雨則逐其匹霽則反之其為拙  
亦甚矣而猶惡其佻巧於是求夫和鳴如鳳皇者而託  
之又貪餒而受詔則高辛之先我必矣蓋屈原之始罹  
憂讒人惡之至其久則雖平日所謂賢者亦皆隨俗變

化而不察故始則惡服父之盈要而其久也荃蕙化而為茅矣始也惡鷦鷯之先鳴而其久也鳳皇既受詔矣宜乎有國無人莫我知之歎而將從彭咸之所居也唐國史補曰鷦鷯鳥千歲為鷦鷯愈老則愈毒同力即鷦鷯也或言亦老而化為鷦鷯陶隱居又言鷦鷯鳥狀如孔雀五色雜斑高大黑頭赤喙出交廣深山中與古所謂運日同力者別而諸家皆言只一種更無如孔雀者按吳都賦亦云白雉落黑鷦鷯則鷦鷯色宜黑彼如孔雀者當別一物

耳

服翼

蝙蝠服翼郭氏云齊人呼為蠟螟或謂之仙鼠蓋服翼似鼠有肉翅而黑棲人家屋隙中遇夜則飛夏夜尤甚捕蚊蚋食之新序曰黃鵠白鶴一飛千里使之與燕服翼試之堂廡之下廬室之間其便未必能過燕服翼也蓋燕晝飛服翼夜動皆工於室中盤旋者然服翼肉翅而無羽故無力觸物輒墮墮則不能復起今洞谷中乃

有大者羣飛殷殷如風雷述異記云荊州青溪秀壁諸山往往見乳穴穴中玉泉交流有蝙蝠千歲體白如銀棲則倒懸或以為腦重故然此亦性之常不為異也又今人以為鼠食巴菽所化顧其類亦自相生不特化而已淮南乃云魚食巴菽而死鼠食之而肥博物志云鼠食巴豆三年重三十斤不言化為服翼然則俗說蓋未可信也

蟲母

鷓鴣母郭氏曰似鳥鷄而大黃白雜文鳴如鴿聲今江

東呼為蚊母俗說此鳥常吐蚊故以名云或言

陳藏器餘

鳥大如雞

闕

黑色生南方池澤茹蘆中其聲如人嘔吐

每口中吐出蚊一二升李肇唐史補稱江東有蚊母鳥

亦謂之吐蚊鳥夏則夜鳴吐蚊於叢葦間

湖州尤甚說者又言端新州有鳥

類青鷁而觜大常在池塘間捕魚而食每作一聲則蚊

子羣出其口亦謂之吐蚊鳥數說雖所在不同然要之

一物爾鷁雖吐蚊然得其羽為扇迺可以辟蚊南中又

有蚊子木實如枇杷熟則自裂蚊盡出而空殼矣故塞  
北有蚊母草嶺南有蚊母木江南有蚊母鳥三物異類  
而同功也淮南曰水蠆為螭子子為蠃免蟹為蟹物之  
所為出於不意弗知者驚知者不怪今子子汙水中無  
足蟲也好自伸屈於水上見人輒沈久之蛭為花蚊揚  
去蓋水蟲之變化類如此人所同知非出於不意也鷦以  
飛鳥而吐之莫見其成形之始斯則異矣

戴鷦



戴鶯似山鵲而尾短青色毛冠俱有文采如戴花勝故  
呼戴鶯又稱戴勝郭璞注方言曰勝所以纏紲然則勝  
者是後世所謂校耳又名戴南漢書南任也楚語之轉  
又名戴鵙鵙者鳩之族也後漢輿服志曰上古穴居而  
野處衣毛而冒皮未有制度後世聖人易之以絲麻觀  
鵙翟之文榮華之色乃染帛以效之始作五采成以為  
服見鳥獸有冠角顙胡之制遂作冠冕纓蕤以為首飾  
蓋勝者女之器而戴鶯之來為蠶候故婦人首飾象之

蓋漢自太皇太后皇太后以下入廟之服其簪以瑇瑁  
為擗長一尺端為華勝蓋取此也勝亦法度之物故山  
海經曰西王母梯几而戴勝淮南鴻烈言夏桀之時西  
老折勝黃神嘯吟以為西王母折其頭上之勝為時無  
法度焉此鳥有織紉之象故月令降于桑則具曲植蘧  
筐於時常在東桑言桑木潤與桑木除蟲為木之長故  
稱降云按鳥之出谷者稱遷唯此言降淮南子燕至亦  
言燕降孰知其自上而下蓋燕者求子之候戴雋者躬

桑之候婦人之於禮或恐其慢故因是鳥之來神而明  
之此物既春來故在陽鳥之例魏張璠時嘗有鷽巢其  
門陰璠告門人以為戴鷽陽鳥而巢門陰為不祥許叔  
重解淮南乃引詩鷽鷽在桑者解之孫炎亦云鷽鷽自  
關而東謂之戴鷽且詩興一時之事則鷽鷽適在桑耳  
何可遂以為戴鷽耶此說之不稽者也

時訓云戴勝不降  
于桑政教不中

### 音釋

鷽

音爽

鷽

匹免切

鷽

口交切

鷽

近足細處

鷽

上符

鷽

悲切

羽弓反黃云呼故  
反然則鴝字歟  
桃吐雕反又吐  
了反又音眺  
詒異眉反  
要古腰字  
鵲淫音

鷄也兩雅鷄一名負雀  
江東呼為鷄善捉雀  
服翼  
編布田反  
蝠甫服反  
蠟力之

反蠟亡北  
殷殷上聲  
蟲母  
義同  
鷄音田  
鳥鷄水鳥也似

腹翅紫白背  
上綠色音剥  
茹音如  
蘆音閭舊也  
可以染絳  
蝓千公切  
蠶丑介切  
子

子  
上音結又音吉  
下音厥或作蛞  
蟻字異而音義同  
俗名釘倒蟲  
兔齧注免所齧草靈  
在其心中化為

蠶一說  
蠶乃多奴來  
二反  
龍屬  
戴雋上音帶本亦作  
載下女今反  
暈音揮雉  
蟲名

翟音狄山  
雉也  
璫瑁音代  
妹  
適直炙反  
梯几注梯  
憑也  
黃神注黃帝之  
神傷道之

哀故嘯吟  
而長嘆也  
絳女金植  
直吏反  
槌也  
遽居呂反  
方曰  
張鎔音苻

爾雅翼卷十六